

“Обод маҳалла” дастури – амалда

АҲОЛИ АМАЛГА ОШИРИЛАЁТГАН ИШЛАРДАН МАМНУН

Омина опа 35 йилдан буён Олмазор туманининг “Юқори Себзор” маҳалласида истиқомат қилади. Маҳалла ишларида доим фаоллик кўрсатиб келган Омина Саилхонова бугун ўз маҳалласининг “Обод маҳалла” дастурига киритилиб, обод этилганидан, аввалги ҳолатидан бутунлай ўзгача, замонавий қиёфага кирганидан хурсанд.

Омина опа сингари мазкур маҳаллада яшовчи 5 минг 800 дан ортиқ фуқаро ҳам бу ерда амалга оширилган ишлардан мамнун. Демак, қилинган ишларга тўхталиб ўтадиган бўлсак, маҳалладаги кўп қаватли уйларнинг 2850 квадрат метр том қисми, 12 та уйларнинг ертўласи, 12 та уй фасади жорий таъмирланди. Уйларнинг фрамуга ойналарига замонавий ромлар ўрнатилди. Уйлар олди 6 минг квадрат метр бетон билан қопланди.

Шунингдек, бу ердаги мавжуд Имом ат-Термизий номидаги жоме масжиди қайтадан бунёд этилиб, атрофи ободонлаштирилди. Маҳалладаги 3 та қариялар дам олиш маскани ҳам замонавий қилиб таъмирланди. 65 та тўнги ёриткичлар замонавийсига алмаштирилди. Қолаверса, ҳар бир уйга замонавий рақамлар ўрнатилди. 21 та кириш йўлаклари таъмирланди. Маҳалла ички кўчаларига ҳам асфальт ётқизилди.

Авваллари маҳаллада жойлашган мактабгача таълим муассасаси ҳам хароб ҳолда бўлган. Дастур доирасида мазкур таълим муассасаси нафақат таъмирланди, балки унинг олдида янги бино ҳам қуриб битказилди. Шунингдек, бу ҳудуддаги мактаб биноси ҳам мукаммал таъмирланиб, ўқувчиларнинг таълим олишлари учун барча шароитлар яратиб берилди.

Мактабнинг ёнида эса “Юқори Себзор” маҳалласининг янги гузари ҳам қурилмоқда. Айтиш мумкинки, бу ерда аҳолининг қулай ва фаровон яшашлари учун мутасаддилар қўлдан келганча бунёдкорлик ишларини олиб боришди. Энди эса фуқаролардан ана шу ободликни асраш, унинг қадрига етиш талаб этилади, холос.

Нигина ҲАКИМОВА,
Тошкент шаҳар ҳокимлиги
Матбуот хизмати ходими

Ўзбекистон Республикаси Олий судида янги расмий веб-сайт ҳамда ундаги фуқаролар ва юридик шахслар учун янги интерактив хизматлар тақдимоти бағишланган тадбир бўлиб ўтди.

Унда мамлакатимизда фаолият кўрсатувчи халқроқ ташкилотлар ваколатхоналари раҳбарлари, АҚШ, Ҳиндистон, Покистон, Хитой Халқ Республикаси, Қозғистон, Тожикистон, Қирғизистон, Туркменистон давлатларининг элчихоналари вакиллари, вазирлик ва идоралар, шунингдек, оммавий ахборот воситалари ходимлари иштирок этди.

Олий суд раиси К.Комилов ва бошқалар ўтган икки йил давомида Ўзбекистон суд тизимида кенг қўлмал, том маънода тарихий ўзгаришлар амалга оширилгани, фуқароларнинг ҳуқуқларини кафолатли ҳимоя қилиш орқали уларнинг судларга бўлган ишончини мустаҳкамлаш йўлида муҳим қадамлар ташланганини қайд этишди.

Судлар давлат ҳокимиятининг муҳим бўғини сифатида жамият мамлакатларига хизмат қилиши, қонун устуворлиги ва ижтимоий адолатни таъминлаши, энг асосийси, очик ва шаффоф бўлиши керак.

Президентимизнинг айна шу мақсадга қаратилган 2017 йил 30 августдаги “Судлар фаолиятига замонавий ахборот-коммуникация технологияларини жорий этишни янада такомиллаштириш чора-тадбирлари тўғрисида”ги қарори билан тасдиқланган 2017-2020 йилларда судлар фаолиятига замонавий ахборот-коммуникация технологияларини жорий этиш бўйича Дастурининг амалий ижроси изчиллик билан таъминланмоқда.

Тадбирда ушбу Дастур асосида судлар фаолиятига жорий этилган суд фаолияти самардорлигини оширадиган, суд жараёнларининг очиклиги ва шаффофлигини таъминладиган, суд иштирокчилари учун қатор қулайлик ва имкониятлар яратган интерактив хизматлар тақдим этилди.

Авалло, тадбирда Олий суднинг янги веб-сайти ва ундаги фуқаролар учун кенг имкониятлар ҳақида сўз юритилди. Сайт www.sud.uz, www.oliusud.uz ва www.surcour.uz каналларида жойлашган.

Айтиш керакки, ушбу сайт ва ун-

даги интерактив хизматлар замонавий технологияларнинг сўнгги ютуқ ва имкониятларидан кенг фойдаланган ҳолда ишлаб чиқилган. Хусусан, фойдаланувчилар ушбу сайт орқали ҳозирда 4 йўналишда фаолият кўрсат

мажлисларининг жадвали, суд мажлисининг қуни ва вақти ҳақида электрон хабардор бўлиш, барча суд қарорлари билан танишиш имконияти яратилди.

Тақдимотда кўрсатилган “Фуқаро-

СУД МАЖЛИСЛАРИНИНГ ОНЛАЙН ТИЗИМИ ЖОРИЙ ЭТИЛМОҚДА

таётган – жиноят ишлари бўйича, фуқаролик, маъмурий ва иқтисодий судлар ҳақида маълумотларни осон топиши, контентларнинг икки тилда – ўзбек ва рус тилларида жойлаштирилиши шулар жумласидандир.

Шунингдек, сайтдан суд тизими, ҳал этиладиган низолар, судлар фаолиятига доир статистик маълумотлар, судларга мурожаат қилиш тартиби, мурожаат қилинганда ундирилган давлат божни ставкалари ва рекевизитлари тўғрисида батафсил маълумот олиш имконияти мавжуд.

Энг асосийси, сайта судлар томонидан кўрсатилаётган интерактив хизматлар тизимлаштирилган тартибда жойлаштирилган.

Тадбирда фуқаролик ишлари бўйича судларнинг интерактив хизматлари тақдимоти ҳам бўлиб ўтди. Маълумки, Олий суд, АҚШ Халқроқ тараққиёт агентлиги (USAID) ва БМТ Тараққиёт Дастурининг “Ўзбекистонда қонун устуворлиги йўлида ҳамкорлик” қўшма лойиҳаси доирасида фуқаролик ишлари бўйича барча судларда кенг жорий этилган Е-SUD миллий электрон судлов ахборот тизими фуқароларга бир қатор қулайликлар яратиш билан бирга соҳа фаолиятида очиклик ва шаффофликни таъминлашга хизмат қилмоқда. Эндилкида ушбу тизим орқали фуқаролик ишлари бўйича судларга электрон мурожаат қилиш билан бирга суд

лик ишлари бўйича судларга мурожаат қилиш намуналари” дунёнинг ҳеч бир суд тизимида мавжуд бўлмагани, фуқаролар судларга мурожаат қилишда ҳужжатларнинг тайёр намуналаридан фойдаланиш имкониятини бергани билан аҳамиятлидир. Веб-сайтада айна пайтда фуқаролик ишлари бўйича давво аризалари, илтимоснома ва шикоятларнинг ўзбек, рус ва қорақалпоқ тилларида жами 500 га яқин намуналари жойлаштирилган. Бу эса, ўз навбатида, фуқароларнинг судларга мурожаат қилишида қулайликлар яратиши шубҳасиздир.

Тадбирда иқтисодий судлар фаолиятида жорий этилган янги интерактив хизматлар тақдими ҳам бўлиб ўтди. Эндилкида иқтисодий судларга электрон мурожаатлар юбориш, суд ҳужжатларини электрон олиш билан бирга мамлакатда фаолият кўрсатаётган барча иқтисодий судларнинг суд мажлислари жадвали билан танишиш, давлат божлари миқдорини электрон ҳисоблаш, судларга мурожаат қилишда ўзбек, рус ва қорақалпоқ тилларидаги давво аризаларининг намуналаридан фойдаланиш мумкин.

Энг муҳими, тақдимотда Президентимизнинг 2018 йил 13 июндаги “Суд-ҳуқуқ тизимини янада такомиллаштириш ва суд ҳокимияти органлари-га ишончини ошириш чора-тадбирла-

корлик ишлари мустақиллик туфайли эканини таъкидлади. Ўзбекистоннинг келажаги бўлган ёшлар тинчликини асраб-авайлаши, бугунги куннинг қадрига етишлари кераклиги алоҳида ўқитрилди.

– Илгари шаҳарда “Алвасти кўприк” дея донги чиққан бу овлоқ ерга унча-мунча одамнинг келишга юраги бетламасди, – дея хотираларини эслади Ўзбекистон халқ артисти, “Фидокорона хизматлари учун” ордени соҳиби Хайрулла Лутфуллаев. – Қатагон йиллари бу жойда тез-тез ўқ овозлари эшитилиб, одамлар кўнглига қўрқув соларди. Бугунги ёшларга ҳавасим келади. Сизларга ўтмишимиз тарихи рўй-роҳат қўйилмоқда. Аммо биз ўқиган даврда бундай маълумотлар берилмасди...

Ўзбекистонда хизмат кўрсатган маданият ходимлари, фахрий журналистлар Муқаддас Абдусаматова, Умида Абдуазимова, Зулфия номидаги Давлат мукофоти совриндори, Алишер Навоий номидаги Адабиёт институти магистранти Чаманой Жонузоқова мавзунини акс эттирган ижод намуналаридан ўқиб беришди.

Қуролли Кучлар фахрийси, Ўзбекистон Ёзувчилари ҳамда Журналистлари уюмлари аъзоси Исқандар Раҳмон ўсиб келаётган ёш авлоднинг ватанпарварлик руҳида тарбиялаш борасида гапириб, ўзининг яхши бир таклифини билдирди:

– Юнусобод туманида барпо этилган бу гўзал мажмуага барчамиз фарзандлару наби-рларимизни тез-тез олиб келиб туришимиз керак. Яқинда Шахрисабз шаҳрида 73 мамлакат вакиллари қатнашган мақом фестивали бўлиб ўтди. Уша ерда ижро этилган мумтоз куйлар, мақом кўшиқлари мана шу жойда ҳам янграб туриши керак, деб ўйлайман. Чунки мусиқа инсон танасига ҳузур бериш билан бирга, ёшларни ҳар томонлама тарбиялайди ҳамда шу жойнинг руҳиятига ҳам мос келади. Волгоград шаҳрида бўлганимизда шундай манзаранинг гувоҳи бўлган эдик...

Тадбир сўнгиди шахид кетган юртдошларимиз хотираларига Қуръон тиловат қилинди.

Дилором ҲОТАМОВА,
“Нуроний” жамғармаси Тошкент шаҳар бўлими матбуот котиби

ри тўғрисида”ги Фармони билан барча суд қарорларининг Олий суд веб-сайтида тизимли равишда эълон қилиш жорий этилгани маълум қилинди.

Бундан буён фуқароларнинг шахсий ҳаёт дахлсизлигини таъминлаган ҳолда ва суд иштирокчиларининг розилиги билан барча суд қарорлари веб-сайтада эълон қилиб борилади.

Шунингдек, тадбирда судлар фаолиятига тадбиқ этилган маркашлаштирилган электрон маълумотлар базаси, ижро варақаларининг электрон юборилиши ва суд ишларининг судьялар ўртасида автоматик тарзда тақсимланиши ҳам ишга туширилгани қайд этилди.

Тадбирнинг энг муҳим асосий қисми Президентимиз гоёси ва ташаббуси билан жорий этилган дунёда биринчи марта доимий ишловчи – суд мажлисларининг онлайн трансляцияси тақдимоти бағишланди.

Суд мажлисларининг онлайн трансляцияси бу – реал вақт режимида Олий суднинг веб-сайти орқали суд мажлисларини бевосита тўғридан-тўғри кузатиш имкониятидир. Мазкур тизим суд мажлисларининг ҳақиқий очиклиги ва шаффофлигини таъминлаш билан бирга фуқароларнинг ҳуқуқий онгини ошириш, жиноятларнинг барвақт олдини олиш ва ҳуқуқбузарликлар профилактикасига хизмат қилади. Уяли алоқа воситалари орқали ҳам ушбу тизимдан фойдаланиш мумкин.

Албатта, суд мажлисларининг онлайн трансляцияси фуқароларнинг шахсий ҳаёт дахлсизлигини таъминлаган ҳолда ва суд иштирокчиларининг розилиги билан амалга оширилади.

Ҳозирда ушбу тизим синов тариқасида Ўзбекистоннинг энг чекка ҳудудлари бўлган Хоразм, Сурхондарё ва Наманган вилоятларидаги 12 та судларга ўрнатилган ва ишга туширилган. Жорий йилнинг охирига қадар яна 22 та, 2019 йилда эса 100 дан ортиқ судларни онлайн трансляция тизимига ўтказиш режалаштирилган.

Зокиржон ШАРИФҶОНОВ

УСТОЗ ВА МУРАББИЙЛАР УЛУҒЛАНДИ

1 октябрь – “Ўқитувчи ва мураббийлар кунини” муносабати билан Тошкент давлат юридик университетида байрам тадбири бўлиб ўтди.

Ўзбекистон Республикаси Адлия вазирлиги тизимида юридик кадрларни тарбиялаб келаётган профессор-ўқитувчилар учун ташкил этилган тадбирда Адлия вазирлигининг масъул вакиллари, Юристар малакасини ошириш маркази, Тошкент давлат юридик университети, академик лицей ва юридик коллежларнинг профессор-ўқитувчилари иштирок эттишди.

Тадбирда сўзга чиққан адлия вазирлиги Русланбек Давлетов ва бошқалар таълим соҳасида олиб борилаётган кенг миқёсли ислохотлар жараёнида юридик таълимга алоҳида эътибор қаратилаётганини таъкидлаб ўтишди. Сўнгги икки йил мобайнида юридик кадрлар фаолиятига доир Президентимизнинг бир қатор қарор ва фармонлари ҳамда ҳукумат қарорларининг қабул қилингани бунга яққол мисол бўлади.

Бугунги кунда вазирлик тасарруфидаги юридик таълим муассасаларида 1000 га яқин педагог-ҳодимлар фаолият кўрсатиб келмоқда. Улар орасида 1 нафар академик, 22 нафар профессор, 23 нафар фақ доктори ва 67 нафар фалсафа докторлари мавжуд. Бу эса юридик таълимнинг юқори сифати ва юксак салоҳиятини акс эттиради.

Президентимизнинг жорий йилда қабул қилинган адлия органлари фаолиятини тубдан такомиллаштиришга доир фармон ва қарорларида юридик таълим тизимини такомиллаштириш бўйича бир қатор устувор вазифалар белгиланган берилди.

Жумладан, республикамизнинг барча ҳудудларида 1 тадан, жами 14 та юридик коллежлар ташкил этилди. Уларда ўрта махсус касб таълими “юриспруденция” йўналиши бўйича кадрлар тайёрланади. Ушбу коллежларнинг энг намунали битирувчилари ҳудудий адлия органларининг йўлнамалари бўйича кириш тест синовларини сиз юридик университетида ўқишга қабул қилинади.

Шунингдек, юридик кадрларни халқроқ стандартлар бўйича профессионал ўқитиш маркази ташкил этилди, унда давлат органлари ва бошқа ташкилотларнинг юридик хизматларида ишлаш ҳуқуқини берадиган олий маълумотга эга бўлган шахсларни юридик мутахассисликка қайта тайёрлаш курслари ташкил этилди. Бу ҳам катта янгилик ва имкониятдир.

Тадбирда касб байрами муносабати билан ёш авлод тарбиясида ўзининг муносиб ҳиссасини қўшиб келаётган профессор-ўқитувчи ва ҳодимлар адлия вазирлигининг фахрий ёрлиги ва эсдалик совғалари билан тақдирланди.

Ўзбекистонда хизмат кўрсатган санъаткор ва маданият ҳодимлари иштирокидаги концерт дастури тадбирга янада кўтаринкилик улашди.

Абдуалим САЛИМОВ

КЎНГИЛАР ШОД БЎЛДИ

Шайхонтоҳур туманидаги Маннон Уйғур маҳалласида жойлашган 167-умумтаълим мактабида “Устоз ва мураббийлар кунини” муносабати билан тадбир бўлиб ўтди. Унга маҳалла фаоллари, нафақадаги ўқитувчилар, мактаб ўқитувчи ва ўқувчилари таклиф этилди.

Маннон Уйғур маҳалласида 2 та умумтаълим мактаби, битта мактабгача таълим муассасаси, бир қатор тадбиркорлик субъектлари иш олиб боради. 167-мактаб 1962 йилда ташкил топган, 2014 йили мукаммал таъмирдан чиқарилган. Ҳозирда 400 га яқин ўқувчи тахсил олади. 30 га яқин педагоглар ўқувчиларга билим сирларини ўргатиб келмоқда. Ушбу мактабдан элимиз ардоғидаги инсонлар етишиб чиққан.

Тадбирда сўзга чиққан Маннон Уйғур маҳалла фуқаролар йиғини раиси Шокирбек Музаббеков барча йиғилганларни Устоз ва мураббийлар кунини билан кутлаб, бу касбнинг шарафли эканлиги, жамиятда уларнинг ўрни ҳақида тўққилиниб гапирди.

Тадбирда нафақадаги фахрий ўқитувчилар ва мактабнинг фаол мураббийларига Маннон Уйғур маҳалла фуқаролар йиғини томонидан тайёрланган фахрий ёрлик ҳамда эсдалик совғалари топширилди.

– Фурсатдан фойдаланиб, барча ўқитувчиларни Устоз ва мураббийлар кунини билан чин қалбимдан табриқлайман, – дейди шу мактабнинг 11 “А”-синф ўқувчиси Ғузэл Абдушукророва. – Илк бор кўлимга қалам тутқазиб, харф танишини ўргатган биринчи устозим Эълмира Зияевани, кимё фани устозим Мунаввара Қамариддинова, математика фани устозим Санобар Нуриддинова каби барча ўз касбининг фидоисини бўлган устоз-мураббийларни табриқлайман. Ёшлигимдан спортнинг қаратэ турига қизиқаман. 2017 йили Ўзбекистон чемпиони бўлдим. Келажақда Ўзбекистон Жисмоний тарбия ва спорт университетида ўқишга кириш ниятим бор.

Тадбирда Ўзбекистон давлат консерваторияси талабаси Хондамир Абдуфаттоев томонидан қуйланган дилтортар кўшиқлар ўзгача шукӯҳ бағишланди.



Маннон Уйғур маҳалла ҳудудида жойлашган 211-мактабгача таълим муассасасида бўлиб ўтган байрам тадбири ҳам кўтаринки руҳда яшонланди. Муассаса 100 ўринга мўлжалланган бўлиб, бугунги кунда 115 нафар тарбияланувчи кичкинтойлар мураббийлар ардоғида. МТМ мудираси Дилдора Абдуқодированинг айтишича, муассаса айна пайтда тайёр оқатлантуриш бўйича Аутсорсинг бўйича иш олиб бормоқда, бу эса болаларнинг сифатли озиқ-овқат махсуслотларига бўлган талабини қондиришда муҳим роль ўйнайди.

Байрам тадбирида болажонлар томонидан тайёрланган шеърлар, куй-кўшиқлар янгради. Улар ўз чиқишларида устозларини кутлашди.

– Муассасамизда 4 та гуруҳ ташкил этилган, – дейди биз билан суҳбатда тайёрлов гуруҳи тарбиячиси Дилбар Усмонова. – Болажонларни кичиклигиданоқ мактабга тайёрлаш бўйича дастур асосида иш олиб борамиз. Болажонлар турли спорт ва бошқа мусобақаларда қатнашиб, фахрли ўринларни олишмоқда.

Тадбирда ижро этилган театрлашган сахна кўри-нишлари, рақслар барчага манзур бўлди.

Жасур ЭЛИМОВ



Орадан бир йил ўтди...

КИТОБ ЎҚИГАН ВА УҚҚАН ОДАМДАН ЁМОНЛИК ЧИҚМАЙДИ

Ўзбек китобхонлиги, унинг ривожланиш босқичлари, бугунги кунда ноширлик соҳасига берилётган имконият ва имтиёзлар, китобхон ёшлар сафи кенгаётгани, муталаа маданияти хусусида "Шарқ" нашриёт-матбаа акциядорлик компанияси бош таҳририяти бош муҳаррири Аҳрор АХМЕДОВ Ўзбекистон Миллий ахборот агентлиги мухбирига қуйидагиларни сўзлаб берди.

— Агар инсониятнинг шу кунга қадар эришган энг катта ютуғи, катта кашфиёти нима, деб сўраса, мен ҳеч иккиланмай китоб, деб жавоб берган бўлардим. Китоб билимларни оширувчи, назарий билимлар берувчи манба бўлмаганида эди, ўз-ўзидан бошқа кўплаб йўналишларда ривожланиш бўлмасди.

Халқимиз азал-азалдан китобни севган, қадрлаган. Китобхонлик маданияти жуда юксак бўлган. Бир муддат турли ҳолат ва вазиятлар сабаб бу қадимий анъана бироз сустлашгандек, гўё ҳеч ким китоб ўқимаётгандек, ҳамма фақат турмуш таъшишлари билан оворадек кўринди. Аммо мамлакатимизда китоб чоп этиш, уни ўқувчига етказиб бериш борасидаги ишлар тўхтаб қолгани йўқ. Демак, китобхонлар ҳам камайгани йўқ. Аммо ноширлик соҳаси эътиборталаб соҳалардан бири бўлиб қолаётган эди. Бу эса ҳуқуқий, иқтисодий жиҳатдан қўллаб-қувватлашни талаб этарди.

Президентнинг 2017 йил 13 сентябрдаги "Китоб маҳсулотларини нашр этиш ва тарқатиш тизимини ривожлантириш, китоб муталааси ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида"ги қарори бу борадаги ишларни тизимлаштириш ва ривожлантиришда муҳим ҳуқуқий асос бўлиб хизмат қилмоқда.

Юртимизнинг қай гўшасида қурилиш ишлари бўлаётган бўлса ўша иншоотлар қуриш режасида, албатта, кутубхона ёки китоб дўкони бўлиши белгиланган. Бу бизни қувонтирадиган, фарзандларимиз камоли, уларнинг порлоқ келажаги учун ўйланган пухта режадир. Шу тариқа қисқа муддатда юртимиз "Китоб ва китобхонлар мамлақати"га айланди.

Китоб маънавий бўшлиқни тўлдирди, маданиятни юксалтиради. Маънавияти бутун, маданиятли инсондан эса ёмонлик чиқмайди. У ҳиёнат қилмайди. Аммо ўзини китобхондек кўрсатиб сохта яшайдиган, ўзини кўз-кўз қиладиганлар асл маънавиятли эмас. Уларнинг китоб ўқишига ҳам шубҳа билан қарайман.

...Бир вақтлар ёйма савдо-сотиқ бўлаётган жойда кўп кузатган воқеа ёдимга тушди. Савдога қўйилган ёйма маҳсулотларнинг охирида китоб сотиладиган жойдан ўтиб кичкина емакхонага кириларди. Кўпчилик китобни айланиб ўтиб (салкам босиб ўтарди) ўша емакхонада овқатланарди. Ёнгинасидаги китоблар эътиборни тортмасди ҳам. Беарво ўтиб кетганлар орасида давраларда китоб ўқиш керак, китоб сотиб олишни такомиллаштириш керак, деб маъруза қилганларни ҳам кўрганман.

Эркин иқтисодий жараёнда тадбиркорлар китоб савдосини ҳам эркинлаштириб юборгани нарх-навоининг сунъий кўтарилишига сабаб бўлди. Қоғоз четдан келтирилади. Китобнинг таннари ҳам шу боис қимматроқ. Аммо таҳлил этиб кўрилганда, тадбиркорликдаги биринчи қўл деганда ҳам китобнинг қадрини фақатгина нарх белгилариди, деб ҳисоблайдиган ишбилармонларнинг кўпайиб кетгани ачинарли. Шундай фикрлар ва ҳатти-ҳаракат натижасида китобхон китобдан узоқлашмоқда. Агар бу жараён узоқ давом этса, миллат маънавияти, китобхонлик маданиятига жиддий таъсир этиши мумкин. Айни тизимни тартибга соладиган ҳуқуқий нормалар жорий этилиши керак, деб ҳисоблайман.

"Шарқ зиёкори" китоб дўконининг Қорақалпоғистон Республикаси, вилоятлар марказларида

филиаллари бор. Бундан ташқари, кўча китоб савдолари ҳам мунтазам ташкил этилади. Бундан ташқари, юқоридаги қарор асосида маҳалаларда кутубхоналар ташкил этилмоқда. Китобхонлик кечалари, суҳбатлар ўтказилади. Бу сай-ҳаракат бугун натижа бермаслиги мумкин. Аммо вақти келиб ўзининг ширин, тотли мевасини беради.

Ўзбекистон ёшлар иттифоқи ташаббуси билан бир қатор ташкилотлар ҳамкорлигида "Ёш китобхон" танлови ўтказила бошланди. Шу жараёндаги бир маълумот эътиборимни тортди. Мазкур танловнинг ўтган мавсумида 250 минг ўғил-қиз иштирок этиб, улар орасидан сараланган ёшлар Президент совғаси — енгил автомашинага эга бўлди. Бу йил ушбу танловда қатнашиш учун 720 минг ёш мурожаат этгани нечоғлик аҳамиятли танловга айланганини кўрсатмоқда. Қолаверса, бу ёшлар китоб ўқимаяпти, деган қараш хато эканининг ҳам исботидир. Бу ҳар йили нашриётимиз томонидан чоп этилаётган адабиётларни сотиб олишга бўлган талаб ўсиб бораётганида ҳам намоён бўлмоқда.

Давлатимиз раҳбарининг юқорида айтилган қарори ноширликка кенг йўл очиш баробарида китобхонлар сафини кенгайтиришга хизмат қиладиган эзгу ишларни ҳам бошлаб берди. Энг сара асарлар кўпроқ босмадан чиқарилиб, китобхонларга етказиб берилмоқда.

Ишлаб чиқаришга, тадбиркорларга берилаётган эътибор сабаб ноширликда ҳам эркин, мустақил иш бошлаган ва фаолият юритаётган хусусий нашриётлар сафи кенгайиб кетди. Бу каби босмахоналарда китоблар кўп ҳолларда муаллифдан сўралмай чоп этилади. Ёки сотуви тезроқ бўладиган олди-қонди асарлар нашр этилмоқда. Уларнинг кўпи китобхонлик талабига жавоб бермайди. Китоб бизнес манбаи бўлмаслиги лозим. Буни англаб етганимизча айнан шундай асарларни ўқишга китобхон ўрганиб бўлади. Ундан кейин бу жараёни тўхтатиш, тартибга солиш, сара асарлар муталаасига эришиш жуда қийин кечади.

Айтиладиган гап битта — китоб ўқиш бу бўш вақтни "ўлдириш", ё кўнглихушлик эмас. У жамиятнинг умумий савиясини кўтарадиган, тараққиётга, ривожланишга хизмат қиладиган энг муҳим омил. Илмдан, маърифатдан, китобдан фойдаланган миллатгина ўзлигини англайди, юксалади.

Барно МЕЛИҚУЛОВА ёзиб олди

ҚОИДАБУЗАРЛИКЛАР ФОШ ҚИЛИНДИ

Божхоначилар 129 млн. сўмлик заргарлик буюмларининг ноқонуний олиб кирилишининг олдини олишди.

"Тошкент-Аэро" ихтисослаштирилган божхона комплекси Контрабанда ва божхона қонунчилиги бузилишига қарши курашиш бўлими ҳамда "И.Каримов номидаги "Тошкент" халқаро аэропорти" чегара-божхона пости ходимлари томонидан қимматбаҳо металллар ва улардан ишланган заргарлик буюмларининг ноқонуний олиб ўтилишига доир навбатдаги божхона қоидабузарликлари фош этилди.

Хусусан, "Истамбул-Тошкент" йўналишида учиб келган фуқаро Р.Д. 132 гр. оғирликдаги ва унинг ҳамроҳи Х.Ш. 89,6 грамм оғирликдаги тилла занжир ва зиракларни божхона назоратидан яширинча олиб кираётган вақтда тўхтатиб қолди.

Дехлидан учиб келган яна бир фуқаро Р.А. эса божхона назоратидан "яшил" йўлак орқали ўтаётиб, божхоначиларнинг диққатини тортди. Унинг безовталаниши сабаблари эса шахсий кўрик давомида ошкор бўлди. Қаранг-ки, ушбу шахс ҳам декларацияланмаган, божхона ходимининг оғзаки сўровида тақдим қилинмаган 155 гр. оғирликдаги тилла занжирни божхона назоратидан яширинча олиб ўтмоқчи бўлган экан.

Шу тариқа пойтахт аэропортида ўтказилган тезкор тадбирлар давомида божхоначилар томонидан жами 586,6 грамм оғирликдаги, дастлабки суриштирувларга кўра тахминий қиймати 129 млн. сўмлик заргарлик буюмларининг божхона назоратидан яширинча олиб ўтилишига чек қўйилди.

Косметика воситалари, телефонлар, авто эҳтиёт қисмлар...

Пойтахт аэропортида божхоначилар яна нималарни тўхтатиб қолди?

"Тошкент-Аэро" ихтисослаштирилган божхона комплекси Контрабанда ва божхона қонунчилиги бузилишига қарши курашиш бўлими ходимлари томонидан И.Каримов номидаги "Тошкент" халқаро аэропорти орқали тиббий буюмлар ва товар-моддий бойликларнинг ноқонуний олиб кирилишига доир яна бир божхона қоидабузарлиги фош этилди.

Пойтахт аэропортида "Сеул-Тошкент" йўналиши бўйича учиб келган фуқаро Б.А. божхона назоратидан "қизил" йўлак орқали ўтаётиб, ёнидаги товар-моддий бойликлари ҳақида йўловчи божхона декларациясида маълум қилди.

Аммо, унга тегишли бўлган қўл юки ва багажларидаги барча товарлар ҳам ушбу декларацияда кўрсатилмаган эди. Божхоначилар томонидан Б.А.нинг юклари белгиланган тартибда ва ҳолислар иштирокида кўздан кечирилганда, унда жисмоний шахслар учун божсиз олиб кириш меъёрларидан ортиқча бўлган, боз устига декларацияланмаган, жами 24 млн. сўмлик 739 дона косметика маҳсулотлари ҳамда 21 дона турли хилдаги уяли алоқа воситалари борлиги аниқланди.

Шунингдек, мазкур рейс билан учиб келган фуқаро И.А.нинг қўл юки ва багажлари божхона кўригидан ўтказилганда, унинг ичида божхона назоратига тақдим қилинмаган ва божхона ходимининг оғзаки сўровида айтилмаган, жисмоний шахслар учун белгиланган олиб кириш меъёридан ортиқ бўлган, жами қиймати салкам 4,7 млн. сўмлик 10 дона уяли алоқа воситалари ва 78 дона турли хилдаги автомобиль эҳтиёт қисмлари борлиги аниқланди.

Ҳозирда мазкур ҳолатлар бўйича божхона текширувлари олиб борилмоқда.

**Давлат божхона қўмитаси
Ахборот хизмати**

ҚАЛБ КЎЗИНГ КЎР БЎЛМАСИН...

— Иш юзасидан кўчада кўп юраман, йўловчилар ўтиш йўлагиди манзара дилни хира қилади. Ёнимда етакловчи, қўлимда ҳассам бўлса-да аксарият ҳайдовчилар йўл берай, эътиборлироқ бўлай, демайди, босиб кетишига оз қолса-да узр, сўраш ўрнига дўқ-пўписадан тоймайди, ноилоҳ индамай кетамиз, — дейди **Ўзбекистон кўзи оғизлар жамияти Тошкент вилояти Пскент туман бўлини маси раиси Шаҳодат Назирова.** — **Айрим жамоат транспортлари кондукторлари ногоринлиқ гувоҳномадаси имтиёзларини тушунмайди, пул тўлашни талаб қилади. Бу ҳолатлар биз каби кўзи оғиз инсонлар дилини оғритади.**

Мана шу каби ҳолатларнинг олдини олиш, транспорт ҳаракатлари вақтида кўзи оғиз инсонлар учун ноқулайликлар, дилхиралликларни озгина бўлса-да камайтириш мақсадида "Avtotest Report" масъулияти чекланган жамияти республика миқёсида "Avtotest"дан ёрдам" шиори остида кўзи оғиз фуқароларга бегараз ёрдам сифатида махсус ҳассалар топширмоқда.

Тошкент шаҳар кўзи оғизлар жамиятида Тошкент шаҳри ва вилоятида истиқомат қилаётган кўзи оғиз фуқаролар иштирокида ана шундай тадбир бўлиб ўтди ва кўзи оғиз фуқароларга махсус ҳассалар топширилди.

— Йўл ҳаракати қоидаларининг 113-бандига мувофиқ пйедалар ўтиш жойларидан ташқарида ҳам ҳайдовчи оқ ҳасса билан ишора бераётган кўзи оғиз пйедани ўтказиб юбориши керак, — дейди ЎЗА мухбирига "Avtotest Report" МЧЖ бош директори ўринбосари Маманбий Омаров. — Афсуски, бу амалиёт тўғри йўлга қўйилмаганлиги сабабли кўпчилик нохушлиқлар юзга келади. Бугун биз бегараз ёрдам сифатида топшираётган ҳассалар махсус нур қайтарувчи рангга бўялган бўлиб, қоронғуда ҳам ҳайдовчилар кўзи оғиз пйедани пайқаш имконини беради.

И.АХАТОВА

КОРРУПЦИЯ – МИЛЛИЙ ХАВФСИЗЛИККА ТАҲДИД

Пойтахтимизнинг Яшнобод туманида ички ишлар ходими Н.Н.га фуқаро Р.Б. содир этилган жиноят ишини судга юбормасдан тергов ҳаракатларини тугатишни, бунинг учун 1,5 минг АҚШ доллари беришини таклиф қилди.

Аммо ички ишлар ходими бир жиноятнинг оқасидан иккинчисини бошлаётган фибрибгарнинг ногорасига ўйнамади, коррупциянинг олдини олди. Зудлик билан воқеа ҳақида прокуратура ходимларига маълум қилди. Натижада фуқаро Р.Б. ички ишлар ходимига 750 АҚШ доллари бераётгани устидан ушланди.

Шу каби огоҳликка даъват этувчи ҳаётий мисоллар Тошкент темир йўл муҳандислари институтида Ўзбекистон Республикаси Транспорт прокуратураси ҳамда Ички ишлар вазирлиги билан бирга "Коррупция — миллий хавфсизликка таҳдид" мавзусида ўтказилган тадбирда баён қилинди.

Тадбирда коррупцияга қарши курашишда аҳолининг, айниқса, ёшларнинг ҳуқуқий онги ва ҳуқуқий маданиятини юксалтириш, ҳуқуқий таълим ва тарбияни кучайтириш, жамиятда коррупцияга нисбатан муросасиз муносабатни шакллантириш муҳим вазифалардан экани, бунда 2017 йил 3 январдаги Ўзбекистон Республикасининг "Коррупцияга қарши курашиш тўғрисида"ги қонуни зарур ҳуқуқий асос эканлиги таъкидланди.

Мамлакатимизда қонун устуворлигини таъминлаш, коррупцияга қарши курашиш, турли жиноят ва ҳуқуқбузарлиқнинг олдини олиш борасида изчил чора-тадбирлар амал-

га оширилмоқда. Бу давлат органлари, ташкилотлар ва фуқаролик жамияти институтлари томонидан олиб борилаётган коррупцияга қарши чора-тадбирлар самарадорлигини оширишга хизмат қилмоқда.

— Коррупцияга қарши кураш нафақат мамлакатимизда, балки бутун жаҳон ҳамжамияти олдида турган энг катта муаммолардан биридир, — дейди Ўзбекистон Республикаси Транспорт прокуратурасининг мурожаатлар билан ишлаш бўйича ёрдамчиси Алишер Маждов. — Ҳаракатлар стратегиясида ҳуқуқий муҳофаза қилиш органлари тизимининг ўзини, ундан кейин ҳоқимликлар ва жамиятдаги бошқа кичик тизимларда ҳалоллик ва Ватанга содиқликни таъминлаш кераклиги ҳақида кўрсатиб ўтилган. Бунинг учун ишни таълим муассасаларидан бошлашимиз лозим. Шу каби тадбирлар орқали ёшлар онгида коррупцияга қарши иммунитетни шакллантирсак, келажада, албатта, мамлакатимизни ҳуқуқий давлатга айлантира оламиз.

Тадбирда коррупцияга оид тушунчаларни ҳар бир фуқаро билиши учун аҳолининг ҳуқуқий онги ва маданиятини ошириш, жамиятда коррупцияга қарши муросасиз муносабатни шакллантириш зарурлиги қайд этилди.

Даврон СУННАТОВ,
ЎЗА мухбири

Тошкент Оқшоми

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълолар: (0-371) 233-28-95
факс: (0-371) 233-29-55

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рўйхатга олинган

Нашрни етказиб бериш масалалари бўйича турар жойлардаги почта бўлимларига ёки
«Тошкент почтамити»га — 233-74-05 телефонига мурожаат қилишингиз мумкин.
Газета таҳририят компьютер марказида терилди ва саҳифаланди

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзил:
gazeta-vto@umail.uz
Буюртма Г- 1035

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
4402 нусхада босилди.
Қоғоз бичими А-2

Нашр учун масъул
О. Ҳазратов

«Шарқ» нашриёт-матбаа акциядорлик
компанияси босмахонаси. Корхона
манзили: Буюк Турон кўчаси, 41-уй

Бош муҳаррир
Акмал АҚРОМОВ

Тошпириш вақти: 13.00 Босишга тошпирилди: 14.10